



## O‘ZBEKISTON RESPUBLIKASI PREZIDENTINING QARORI

2023 yil « 31 » октябрь

№ ПК–353

### **Аҳолига пенсия тайинлаш бўйича кўрсатиладиган давлат хизматлари сифатини янада оширишга қаратилган қўшимча чора-тадбирлар тўғрисида**

Мамлакатда кекса, боқувчисини йўқотган ва меҳнатга лаёқатсиз аҳолига давлат хизматларини кўрсатиш тизими босқичма-босқич ислоҳ қилиниб, фуқароларга пенсияларни тайинлаш юзасидан кўрсатилаётган давлат хизматлари сифатини янада яхшилаш ҳамда ортиқча бюрократик тўсиқларни бартараф этиш борасида изчил ислохотлар амалга оширилмоқда.

Хусусан, фуқароларга тўланадиган тўрт турдаги ижтимоий тўловларни уларнинг мурожаатсиз проактив шаклда, икки турдаги ижтимоий тўловларни композит шаклда ҳамда яна тўрт турдаги ижтимоий тўловларни қўшимча ҳужжатлар талаб этмаган ҳолда, биргина паспорт асосида тайинлаш амалиёти жорий этилди.

Аҳолига пенсия тайинлаш тизимига замонавий ахборот технологияларини фаол татбиқ этган ҳолда давлат томонидан кўрсатилаётган хизматлар сифатини янада ошириш мақсадида:

**1.** Иқтисодиёт ва молия вазирлиги, Адлия вазирлиги ҳамда Рақамли технологиялар вазирлигининг фуқароларга **давлат пенсияларини тайинлаш амалиётида** қуйидаги тартибларни жорий этиш тўғрисидаги таклифига розилик берилсин:

**а) 2024 йил 1 январдан бошлаб:**

фуқароларга давлат пенсияларини тайинлаш учун амалдаги тартибга қўшимча равишда уларнинг хоҳишига кўра **Давлат хизматлари марказлари** ёки **Ягона интерактив давлат хизматлари портали** орқали ҳам мурожаат қилиш ҳуқуқи берилади;

фуқароларга давлат пенсиялари тайинланганидан сўнг уларнинг шахсий жамғариб бориладиган пенсия ҳисобварақларидаги маблағларини **Ягона интерактив давлат хизматлари портали** ёки АТ “Халқ банки”нинг мобиль иловаси орқали олиш имконияти яратилади.

Бунда, Иқтисодиёт ва молия вазирлиги ҳузуридаги бюджетдан ташқари Пенсия жамғармасининг (кейинги ўринларда – Пенсия жамғармаси) туман (шаҳар) бўлимлари томонидан шахсий жамғариб бориладиган пенсия ҳисобварақларидаги маблағларни олиш ҳуқуқини берувчи сертификат бериш тартиби бекор қилинади;

**б) 2025 йил 1 мартдан бошлаб фуқароларга ёшга доир пенсияларни “Фуқароларнинг давлат пенсия таъминоти тўғрисида”ги Ўзбекистон Республикаси Қонунининг 7-моддасида белгиланган ёшга тўлиши муносабати билан алоҳида мурожаат талаб этмаган ҳолда проактив шаклда тайинлаш тартиби жорий этилади.**

Бунда, ёшга доир пенсиялар Пенсия жамғармасининг ахборот тизими орқали тегишли вазирлик ва идоралараро ахборот алмашинуви асосида олинадиган фуқаронинг иш стажи, иш ҳақи ҳамда бошқа маълумотларига асосан давлат пенсия таъминоти тўғрисидаги қонунчиликда белгиланган тартиб ва меъёрларга мувофиқ **ҳисобланади ва тайинланади.**

**2. Шундай тартиб ўрнатилсинки, фуқароларга пенсия ёшига етиб меҳнат фаолиятини давом эттирган ҳолда кейинчалик ёшга доир пенсияга чиқиш истагини билдирганида проактив шаклда тайинланган пенсияни рад қилиш ҳуқуқи берилади.**

Белгилансинки, ёшга доир пенсия фуқаронинг кейинчалик қилган мурожаатига асосан давлат пенсия таъминоти тўғрисидаги қонунчиликда белгиланган муддатларга мувофиқ қайтадан ҳисобланади ва тайинланади.

**3. Иқтисодиёт ва молия вазирлиги (И.Норқулов) 2025 йил 1 мартга қадар:**

Электрон технологияларини ривожлантириш маркази (О.Ходжакбаров) билан биргаликда Пенсия жамғармасининг ахборот тизими орқали фуқароларга **пенсия тайинланиши ёки пенсия миқдорига таъсир қилувчи** қўшимча ҳужжатларни тақдим этиш юзасидан фуқаронинг мобиль алоқа воситасига СМС-хабар юбориш тартиби жорий этилишини;

“Фуқароларнинг давлат пенсия таъминоти тўғрисида”ги Ўзбекистон Республикасининг Қонунига фуқароларнинг давлат пенсия таъминоти тўғрисидаги қонунчиликда белгиланган ёшга доир пенсия олиш ёшига тўлиши муносабати билан пенсияни уларнинг алоҳида мурожаатсиз проактив шаклда тайинлаш тизимини жорий этишни назарда тутувчи ўзгартириш ва қўшимчалар киритиш ҳақидаги қонун лойиҳасининг Вазирлар Маҳкамасига киритилишини таъминласин.

#### **4. Қўйидагилар:**

Фуқароларга **ёшга доир пенсияларни проактив шаклда тайинлаш схемаси 1-иловага** мувофиқ;

Фуқароларга ёшга доир пенсияларни **проактив шаклда тайинлаш** тартибини амалиётга жорий этиш бўйича **“йўл харитаси” 2-иловага** мувофиқ тасдиқлансин.

**5.** Ўзбекистон Республикаси Президентининг ва Ўзбекистон Республикаси Ҳукуматининг айрим қарорларига 3-иловага мувофиқ ўзгартириш ва қўшимчалар киритилсин.

**6.** Иқтисодиёт ва молия вазирлиги, Ўзбекистон Миллий телерадиокомпанияси ҳамда Ахборот ва оммавий коммуникациялар агентлиги манфаатдор вазирлик ва идоралар билан биргаликда ушбу қарорнинг мақсади ва вазифалари, шу жумладан давлат пенсияларини тайинлаш ҳамда давлат хизматларини кўрсатишда яратилган қулайликлар тўғрисида видеороликлар ва ижтимоий рекламалар ишлаб чиққан ҳолда, уларнинг оммавий ахборот воситалари ва Интернет тармоғида кенг ёритилишини таъминласин.

**7.** Ушбу қарор ижросини самарали ташкил қилишга масъул ва шахсий жавобгар этиб Бош вазир ўринбосари Ж.А. Қўчқоров, адлия вазири А.Д. Ташкулов ва рақамли технологиялар вазири Ш.Х. Шерматов белгилансин.

Қарорнинг ижросини муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Ўзбекистон Республикасининг Бош вазири А.Н. Арипов зиммасига юклансин.

**Ўзбекистон Республикаси  
Президенти**



**Ш. Мирзиёев**

Тошкент шаҳри

**Фуқароларга ёшга доир пенсияларни проактив шаклда тайинлаш  
СХЕМАСИ**

| Босқичлар | Субъектлар                                                                   | Тадбирлар                                                                                                                                                                                                                                                                                                                                                                                                                                                                                              | Бажариш мuddатлари                                                    |
|-----------|------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------|
| 1-босқич  | Адлия вазирлиги                                                              | Пенсия ёшига тўлган фуқаронинг паспорт (идентификация ID-карта) маълумотларини Иқтисодиёт ва молия вазирлиги ҳузуридаги бюджетдан ташқари Пенсия жамғармасининг “Пенсия” ахборот тизимига электрон шаклда юборади.                                                                                                                                                                                                                                                                                     | Фуқаро умумий белгиланган пенсия ёшига тўлган санада автоматик тарзда |
| 2-босқич  | Иқтисодиёт ва молия вазирлиги ҳузуридаги бюджетдан ташқари Пенсия жамғармаси | Пенсия тайинлаш ваколатига эга органларга пенсия ёшига тўлган фуқарога пенсия тайинланган ёки тайинланмаганлиги тўғрисидаги маълумотларни олиш учун ахборот тизими орқали электрон сўров юборади.                                                                                                                                                                                                                                                                                                      | Электрон маълумотлар келиб тушганидан сўнг автоматик тарзда           |
| 3-босқич  | Пенсия тайинлаш ваколатига эга органлар                                      | Пенсия ёшига тўлган фуқарога пенсия тайинланган ёки тайинланмаганлиги тўғрисидаги электрон маълумотларни Иқтисодиёт ва молия вазирлиги ҳузуридаги бюджетдан ташқари Пенсия жамғармасининг “Пенсия” ахборот тизимига юборади.                                                                                                                                                                                                                                                                           | Электрон сўров келиб тушганидан сўнг автоматик тарзда                 |
| 4-босқич  | Иқтисодиёт ва молия вазирлиги ҳузуридаги бюджетдан ташқари Пенсия жамғармаси | 1. Пенсия ёшига тўлган фуқарога пенсия тайинланганлиги тўғрисида маълумотлар келиб тушган тақдирда пенсия тайинлаш жараёнини тўхтатади.<br>2. Пенсия ёшига тўлган фуқарога пенсия тайинланмаганлиги тўғрисида маълумотлар келиб тушган тақдирда, Ички ишлар вазирлигининг “Манзил” ахборот тизимига пенсия ёшига тўлган фуқаронинг маҳалла фуқаролар йиғини кесимида яшаш жойи тўғрисидаги маълумотларни олиш учун ахборот тизими орқали электрон сўров юборади.<br>3. Пенсия ёшига тўлган фуқароларга | Электрон маълумотлар келиб тушганидан сўнг автоматик тарзда           |

|          |                                                                                                                                                                                 |                                                                                                                                                                                                                                                                                                                                                                                                                                                                                                                                                                                                                                                                                                            |                                                                                      |
|----------|---------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------|
|          |                                                                                                                                                                                 | <p>пенсия тайинланмаганлиги тўғрисида электрон маълумотлар келиб тушган тақдирда, Электрон технологияларини ривожлантириш маркази ахборот тизимига пенсия ёшига тўлган фуқаронинг номига расмийлаштирилган мобиль телефон рақами ёки мобиль телефон рақами расмийлаштирилмаганлиги ҳақидаги маълумотларни олиш учун электрон сўров юборади.</p>                                                                                                                                                                                                                                                                                                                                                            |                                                                                      |
| 5-босқич | <p>1. Ички ишлар вазирлиги</p> <p>2. Электрон технологияларини ривожлантириш маркази</p> <p>3. Иқтисодиёт ва молия вазирлиги ҳузуридаги бюджетдан ташқари Пенсия жамғармаси</p> | <p>1. Пенсия ёшига тўлган фуқаронинг маҳалла фуқаролар йиғини кесимида яшаш жойи тўғрисидаги маълумотларни Иқтисодиёт ва молия вазирлиги ҳузуридаги бюджетдан ташқари Пенсия жамғармасининг “Пенсия” ахборот тизимига юборади.</p> <p>2. Пенсия ёшига тўлган фуқаронинг номига расмийлаштирилган мобиль телефон рақами ёки мобиль телефон рақами расмийлаштирилмаганлиги ҳақидаги маълумотларни Иқтисодиёт ва молия вазирлиги ҳузуридаги бюджетдан ташқари Пенсия жамғармасининг “Пенсия” ахборот тизимига юборади.</p> <p>3. Пенсия ёшига тўлган фуқаронинг номига расмийлаштирилган мобиль телефон рақамига пенсия тайинлаш масаласи 10 кун муддат ичида кўриб чиқилиши тўғрисида СМС-хабар юборади.</p> | <p>Электрон маълумотлар келиб тушганидан сўнг автоматик тарзда</p>                   |
| 6-босқич | <p>Иқтисодиёт ва молия вазирлиги ҳузуридаги бюджетдан ташқари Пенсия жамғармаси бўлими</p>                                                                                      | <p>1. “Пенсия” ахборот тизимидаги мавжуд пенсия ёшига тўлган фуқаронинг иш стажи, иш ҳақи, устама олиш ҳуқуқини берадиган электрон маълумотлар асосида дастлаб фуқаронинг пенсияга бўлган ҳуқуқини аниқлайди, пенсия миқдорини ҳисоблайди ва пенсия тайинлайди.</p> <p>2. Пенсия тайинланган тақдирда, пенсия ёшига тўлган фуқаронинг номига расмийлаштирилган мобиль телефон рақамига пенсия тури, пенсия миқдори, пенсия тайинлаш муддати, пенсия тўлов шакли ва</p>                                                                                                                                                                                                                                     | <p>1. 10 кун муддат ичида</p> <p>2. Қарор қабул қилинган вақтда автоматик тарзда</p> |

|          |                         |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                     |                                                                                                       |
|----------|-------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------|
|          |                         | <p>пенсия тўлаш санаси тўғрисида СМС-хабар юборади.</p> <p>Агар фуқаронинг номига мобиль телефон рақами расмийлаштирилмаган бўлса, пенсионерга ушбу маълумотларни унинг яшаш жойи бўйича “Ўзбекистон почтаси” АЖнинг Электрон почта жўнатмаларининг ягона миллий тизими орқали етказди.</p> <p>3. Фуқаро тайинланган ёшга доир пенсия миқдоридан норози бўлганида ёки меҳнат фаолиятини давом эттириб, ёшга доир пенсияга кейинчалик чиқиш хоҳишини билдирган тақдирда, Пенсия жамғармаси бўлимига ташриф буюрган ҳолда ариза бериш орқали тайинланган пенсияни рад қилади.</p> <p>4. Пенсия тайинлаш рад этилган тақдирда, фуқаронинг номига расмийлаштирилган мобиль телефон рақамига рад этиш сабаблари, қўшимча ҳужжат тақдим қилиш муддати, тартиби ва қабул қилинган қарор юзасидан шикоят қилиш тартиби тўғрисида СМС-хабар юборади.</p> <p>Агар фуқаронинг номига мобиль телефон рақами расмийлаштирилмаган бўлса, пенсионерга ушбу маълумотларни унинг яшаш жойи бўйича “Ўзбекистон почтаси” АЖнинг Электрон почта жўнатмаларининг ягона миллий тизими орқали етказди.</p> | <p>3. Хабарнома олганидан сўнг 5 кун ичида</p> <p>4. Қарор қабул қилинган вақтда автоматик тарзда</p> |
| 7-босқич | “Ўзбекистон почтаси” АЖ | <p>Пенсия тайинланганлиги ёки тайинлаш рад этилганлиги тўғрисидаги хабарномани пенсионер ёки пенсия ёшига тўлган фуқаронинг яшаш жойига етказиб беради.</p>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                         | <p>Маълумотлар келиб тушганидан сўнг 5 кун ичида</p>                                                  |

**Фуқароларга ёшга доир пенсияларни проактив шаклда тайинлаш тартибини амалиётга жорий этиш бўйича  
“ЙЎЛ ХАРИТАСИ”**

| <b>Т/р</b> | <b>Чора-тадбирлар номи</b>                                                                                                                                                                                                                                                                                          | <b>Амалга ошириш шакли</b> | <b>Амалга ошириш муддати</b> | <b>Масъул ижрочилар</b>                                                                 |
|------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------|------------------------------|-----------------------------------------------------------------------------------------|
| 1.         | Адлия вазирлигининг ахборот тизимлари орқали Ўзбекистон Республикасидан чиқиб кетган ва Ўзбекистон Республикасига кирган фуқаролар тўғрисидаги электрон шаклдаги маълумотларни реал вақт режимида Пенсия жамғармасининг “Пенсия” ахборот тизимига юбориш тизимини яратиш.                                           | Техник чора-тадбир         | 2023 йил декабрь             | Адлия вазирлиги, Пенсия жамғармаси                                                      |
| 2.         | Маҳалла фуқаролар йиғини ягона реестрини ишлаб чиқиш.                                                                                                                                                                                                                                                               | Техник чора-тадбир         | 2024 йил февраль             | Рақамли технологиялар вазирлиги                                                         |
| 3.         | Фуқароларнинг яшаш манзилларини маҳалла фуқаролар йиғини кесимида шакллантириш.                                                                                                                                                                                                                                     | Техник чора-тадбир         | 2024 йил апрель              | Ички ишлар вазирлиги                                                                    |
| 4.         | Фуқаронинг олий ўқув юртларидаги ўқиш даври (кундузги, кечки, сиртқи йўналишлари, бакалавр, магистратура, аспирантура, интернатура, академик таътил ва бошқалар) тўғрисидаги маълумотларни рақамлаштиришни якунига етказиш.<br>Бунда собиқ иттифоқ ва чет эл олий ўқув юртлари маълумотлари рақамлаштирилиши лозим. | Техник чора-тадбир         | 2024 йил сентябрь            | Олий таълим, фан ва инновациялар вазирлиги                                              |
| 5.         | Ўзбекистон Республикаси республика бюджети ҳисобидан пенсия тайинловчи органларнинг пенсионерлари тўғрисидаги маълумотлари юритиладиган ахборот тизимларини яратиш.                                                                                                                                                 | Техник чора-тадбир         | 2024 йил май                 | Ички ишлар вазирлиги, Мудофаа вазирлиги, Конституциявий суд, Олий суд, Бош прокуратура, |

| Т/р | Чора-тадбирлар номи                                                                                                                                                                                                                                                                                                                                                                                                                      | Амалга ошириш шакли     | Амалга ошириш муддати    | Масъул ижрочилар                                                                                                                                                                                                                         |
|-----|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------|--------------------------|------------------------------------------------------------------------------------------------------------------------------------------------------------------------------------------------------------------------------------------|
|     | <p>Пенсия ёшига тўлган фуқарога бюджетдан ташқари Пенсия жамғармаси ёки Ўзбекистон Республикаси республика бюджети ҳисобидан пенсия тайинловчи органлар томонидан пенсия тайинланганлиги ёки тайинланмаганлигини тасдиқлаш (“ҳа” ёки “йўқ”) бўйича веб-сервис ишлаб чиқиш.</p>                                                                                                                                                           | <p>Техник йўриқнома</p> | <p>2024 йил июнь</p>     | <p>Ўзбекистон Республикаси Президенти давлат хавфсизлик хизмати, Миллий гвардия, Давлат хавфсизлик хизмати, Судьялар олий кенгаши, Фавқулодда вазиятлар вазирлиги, Божхона қўмитаси, Электрон технологияларини ривожлантириш маркази</p> |
| 6.  | <p>Пенсия тайинлангандан сўнг иш ҳақи маълумотлари ўзгарган фуқаролар бўйича маълумотларни Пенсия жамғармасига электрон шаклда юбориш тизимини ишлаб чиқиш.</p>                                                                                                                                                                                                                                                                          | <p>Техник йўриқнома</p> | <p>2024 йил май</p>      | <p>Солиқ қўмитаси, АТ “Халқ банки”</p>                                                                                                                                                                                                   |
| 7.  | <p>Фуқаро умумий белгиланган пенсия ёшига (аёллар 55, эркаклар 60 ёш) тўлганда унинг паспорт ёки идентификация ID-карта маълумотларини “Пенсия” ахборот тизимида автоматик тарзда юбориш тизимини жорий этиш.</p> <p>Фуқаро умумий белгиланган пенсия ёшига (аёллар 55, эркаклар 60 ёш) тўлган санада унинг номига расмийлаштирилган мобиль телефон рақами тўғрисидаги маълумотларни Пенсия жамғармасига юбориш тизимини жорий этиш.</p> | <p>Техник йўриқнома</p> | <p>2024 йил сентябрь</p> | <p>Адлия вазирлиги, Рақамли технологиялар вазирлиги, Электрон технологияларини ривожлантириш маркази, Пенсия жамғармаси</p>                                                                                                              |

| Т/р | Чора-тадбирлар номи                                                                                                                                                                                                                                                                                                                                                                                                                                                                                                                                                                            | Амалга ошириш шакли                               | Амалга ошириш муддати                          | Масъул ижрочилар                                                          |
|-----|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------|------------------------------------------------|---------------------------------------------------------------------------|
| 8.  | <p>Пенсия жамғармаси томонидан фуқарога пенсия тайинланганлиги ёки тайинлаш рад этилганлиги тўғрисидаги маълумотларни юбориш тизимини жорий этиш.</p> <p>Фуқарога пенсия тайинланган тақдирда, унинг номига расмийлаштирилган мобиль телефон рақамига пенсия тури, пенсия миқдори, пенсия тайинлаш муддати, пенсия тўлов шакли ва пенсия тўлаш санаси тўғрисидаги маълумотларни ҳамда пенсия тайинланмаган тақдирда эса рад этиш сабаблари, қўшимча ҳужжатларни тақдим қилиш муддати ва қабул қилинган қарор юзасидан шикоят қилиш тартиби тўғрисида СМС-хабар юбориш тизимини жорий этиш.</p> | <p>Техник йўриқнома</p> <p>Техник чора-тадбир</p> | <p>2024 йил ноябрь</p> <p>2024 йил декабрь</p> | <p>Электрон технологияларини ривожлантириш маркази, Пенсия жамғармаси</p> |

**Ўзбекистон Республикаси Президентининг  
ва Ўзбекистон Республикаси Ҳукуматининг айрим қарорларига  
киритилаётган ўзгартириш ва қўшимчалар**

**1.** Ўзбекистон Республикаси Президентининг 2009 йил 30 декабрдаги “Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасининг ташкилий тузилмасини шакллантириш чора-тадбирлари тўғрисида”ги ПҚ–1252-сон қарорига 5-илованинг матни қуйидаги таҳрирда баён этилсин:

**“Ўзбекистон Республикаси Иқтисодиёт ва молия  
вазирлиги ҳузуридаги бюджетдан ташқари  
Пенсия жамғармасининг кузатув кенгаши  
ТАРКИБИ**

- |                        |   |                                                                                                                                                          |
|------------------------|---|----------------------------------------------------------------------------------------------------------------------------------------------------------|
| Ж.А. Қўчқоров          | – | Ўзбекистон Республикаси Бош вазирининг ўринбосари – иқтисодиёт ва молия вазири, <i>Кузатув кенгаши раиси</i>                                             |
| О.Р.Фазилкаримов       | – | Ўзбекистон Республикаси иқтисодиёт ва молия вазири ўринбосари, <i>Кузатув кенгаши раиси ўринбосари</i>                                                   |
| Б.А.Мусаев             | – | Ўзбекистон Республикаси камбағалликни қисқартириш ва бандлик вазири                                                                                      |
| Ж.И.Абруев             | – | Ўзбекистон Республикаси Президенти ҳузуридаги Ижтимоий ҳимоя миллий агентлиги директори ўринбосари                                                       |
| Х.Х.Мелиев             | – | Ўзбекистон Республикаси адлия вазири ўринбосари                                                                                                          |
| Ш.Д.Кудбиев            | – | Ўзбекистон Республикаси Вазирлар Маҳкамаси ҳузуридаги Солиқ қўмитаси раиси                                                                               |
| <i>Лавозими бўйича</i> | – | Ўзбекистон Республикаси Иқтисодиёт ва молия вазирлиги ҳузуридаги бюджетдан ташқари Пенсия жамғармаси директори, <i>Кузатув кенгашининг масъул котиби</i> |

**Изоҳ:** Кузатув кенгаши аъзолари бошқа ишга ўтган тақдирда, унинг таркибига ушбу лавозимларга янгидан тайинланган шахслар ёхуд зиммасига тегишли функцияларни бажариш юкланган шахслар киритилади”.

**2.** Ўзбекистон Республикаси Президентининг 2020 йил 28 апрелдаги “Рақамли иқтисодиёт ва электрон ҳукуматни кенг жорий этиш чора-тадбирлари тўғрисида”ги ПҚ–4699-сон қарорига 5-илованинг 2.3-позицияси қуйидаги таҳрирда баён этилсин:

|      |                                                                                                                                                                                                                            |  |                                       |                  |                                                                                 |
|------|----------------------------------------------------------------------------------------------------------------------------------------------------------------------------------------------------------------------------|--|---------------------------------------|------------------|---------------------------------------------------------------------------------|
| 2.3. | Ўзбекистон Республикаси Иқтисодиёт ва молия вазирлиги ҳузуридаги бюджетдан ташқари Пенсия жамғармасининг “Пенсия” дастурий таъминотини функционал кенгайтириш орқали Пенсия жамғармасини бошқариш ахборот тизимини яратиш. |  | Ахборот тизимини амалиётга жорий этиш | 2024 йил декабрь | Давлат бюджетидан ажратилган маблағлар доирасида ва бюджетдан ташқари маблағлар |
|------|----------------------------------------------------------------------------------------------------------------------------------------------------------------------------------------------------------------------------|--|---------------------------------------|------------------|---------------------------------------------------------------------------------|

**3.** Ўзбекистон Республикаси Президентининг 2023 йил 24 майдаги “Рақамли хизматлар қамрови ва сифатини ошириш ҳамда соҳа, тармоқ ва ҳудудларни рақамли трансформация қилиш чора-тадбирлари тўғрисида”ги ПҚ–162-сон қарорига 1-илованинг 86-позицияси қуйидаги таҳририда баён этилсин:

|     |                                                                                                   |                                                                                                                                                                                                                                                                                                                                          |                                                                                     |                                                                                 |                                                                                                                                                             |
|-----|---------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------|---------------------------------------------------------------------------------|-------------------------------------------------------------------------------------------------------------------------------------------------------------|
| 86. | “Пенсия жамғармасини бошқариш ахборот тизимини (Пенсия 2.0)” ишлаб чиқиш ва амалиётга жорий этиш. | 1. Лойиҳа-техник ҳужжатларини ишлаб чиқиш ва ваколатли органларда экспертизадан ўтказиш.<br>2. “Пенсия жамғармасини бошқариш ахборот тизимини” ишлаб чиқиш.<br>3. “Пенсия жамғармасини бошқариш ахборот тизимини” амалиётга жорий этиш.<br>4. “Рақамли ҳукумат” тизими ва Ягона интерактив давлат хизматлари порталига интеграция қилиш. | 2023 йил август<br><br>2024 йил декабрь<br>2024 йил декабрь<br><br>2024 йил декабрь | Давлат бюджетидан ажратилган маблағлар доирасида ва бюджетдан ташқари маблағлар | Иқтисодиёт ва молия вазирлиги ҳузуридаги бюджетдан ташқари Пенсия жамғармаси, Иқтисодиёт ва молия вазирлиги ҳузуридаги “Ахборот технологиялари маркази” ДУК |
|-----|---------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------|---------------------------------------------------------------------------------|-------------------------------------------------------------------------------------------------------------------------------------------------------------|

4. Вазирлар Маҳкамасининг 2022 йил 13 октябрдаги 592-сон қарори билан тасдиқланган Давлат пенсияларини тайинлаш ва тўлаш тартиби тўғрисидаги низомда:

а) 2-бандда:

ўнинчи хатбоши қўйидаги таҳрирда баён этилсин:

“пенсия тайинлашни сўраб мурожаат этиш – шахснинг яшаш жойи бўйича Пенсия жамғармаси бўлимига бевосита ташриф буюрган ҳолда ариза бериши, шахснинг яшаш жойидан қатъи назар экстерриториал тамойил асосида Ўзбекистон Республикаси Адлия вазирлиги давлат хизматлари марказлари орқали (кейинги ўринларда – Давлат хизматлари маркази) ёки Ягона интерактив давлат хизматлари порталидан (кейинги ўринларда – ЯИДХП) рўйхатдан ўтиб сўровномани тўлдирган ҳолда пенсия тайинлаш учун мурожаат қилиши”;

қўйидаги мазмундаги ўн биринчи хатбоши билан тўлдирилсин:

“пенсияни қайта ҳисоблашни сўраб мурожаат этиш – пенсия миқдорини қайта ҳисоблаб чиқиш, пенсиянинг бир туридан бошқа турига ўтказиш, илгари тўхтатиб қўйилган (тўхтатилган) пенсия тўлашни белгиланган тартибда тиклаш (қайта тиклаш) тўғрисида яшаш жойи бўйича Пенсия жамғармаси бўлимига ариза бериш”;

ўн биринчи – ўн тўртинчи хатбошилар тегишинча ўн иккинчи – ўн бешинчи хатбошилар деб ҳисоблансин;

б) 3-банд қўйидаги мазмундаги иккинчи жумла билан тўлдирилсин:

“Бунда айнан бир қонунда белгиланган пенсияга оид имтиёзлар бошқа қонун талаблари асосида пенсия тайинланиши муносабати билан қўлланилишига йўл қўйилмайди”;

в) 6-бандда:

бешинчи хатбоши қўйидаги таҳрирда баён этилсин:

“Агар ходимга пенсия тайинлаш рад этилган бўлса, бу ҳақда унга рад этиш сабаблари кўрсатилиб, ёзма равишда хабар берилади. Пенсия сўраб мурожаат қилган шахс маъмурият қароридан норози бўлса, у пенсия тайинлаш тўғрисидаги аризани яшаш жойидаги Пенсия жамғармаси бўлимига ушбу Низомга 22-иловага мувофиқ шаклда беради, шунингдек, Давлат хизматлари маркази орқали ёки ЯИДХПдан рўйхатдан ўтиб ушбу Низомга 28-иловага мувофиқ шакл бўйича сўровнома тўлдирган ҳолда мурожаат қилади”;

қўйидаги мазмундаги хатбоши билан тўлдирилсин:

“Давлат хизматлари маркази орқали ёки ЯИДХПдан рўйхатдан ўтган ҳолда пенсия тайинлашни сўраб мурожаат қилиш ушбу Низомга 29 – 31-иловаларга мувофиқ схемалар асосида амалга оширилади”;

г) 7-банд қуйидаги таҳрирда баён этилсин:

“7. Пенсия тайинлаш тўғрисидаги ариза қонунчиликка мувофиқ пенсия олиш ҳуқуқига эга бўлган шахс томонидан унинг яшаш жойидаги Пенсия жамғармаси бўлимига берилади.

Пенсия тайинланадиган шахс балоғатга етмаган ёки муомалага лаёқатсиз бўлган тақдирда, ариза ёки сўровнома унинг қонуний вакили томонидан берилади.

Шахс ёки қонуний вакил пенсия тайинлашни сўраб ўзи учун энг қулай бўлган Пенсия жамғармаси бўлимига бевосита ташриф буюрган ҳолда ариза бериш, почта орқали ариза бериш, Давлат хизматлари маркази орқали ёки ЯИДХПдан рўйхатдан ўтган ҳолда сўровномани тўлдириб мурожаат қилиш ҳуқуқига эга.

Давлат хизматлари маркази орқали ёки ЯИДХПдан рўйхатдан ўтган ҳолда пенсия тайинлаш учун мурожаат қилиш шахснинг пенсия олиш ҳуқуқини берадиган маълумотлари “ЯММТ” ИДАҚда рақамлаштирилганидан сўнг амалга оширилади.

Бунда, шахс ёки қонуний вакил томонидан Пенсия жамғармаси бўлимига тақдим қилинган рақамлаштирилмаган маълумотлар ёки ҳужжатлар орқали пенсия миқдори қайта ҳисобланади”;

д) 8-банднинг биринчи хатбошисидаги “(қайта ҳисоблаш, тиклаш, пенсиянинг бир туридан бошқа турига ўтказиш)” сўзлари “ёки қайта ҳисоблаш” сўзлари билан алмаштирилсин;

е) 10-банд қуйидаги таҳрирда баён этилсин:

“10. Пенсия жамғармаси бўлими шахс тегишли ариза ёки сўровнома орқали мурожаат қилган тақдирда, пенсия тайинлаш тўғрисидаги масалани кўриб чиқади.

Пенсия тайинлашни сўраб мурожаат қилиш Давлат хизматлари маркази ёки ЯИДХП орқали амалга оширилганида Қонун ва ушбу Низом қоидаларига мувофиқ ахборот тизимларидан олинган маълумотлар асосида пенсия ҳисоблаб чиқилади.

Пенсия тайинлаш учун зарур бўлган меҳнат стажи, иш ҳақи ёки пенсия миқдорига таъсир этувчи бошқа маълумотлар рақамлаштирилмаган ҳолларда шахс ёки қонуний вакил яшаш жойи бўйича Пенсия жамғармаси бўлимига пенсия тайинлашни сўраб ариза бериш ҳуқуқига эга.

Шахсининг ёки қонуний вакилнинг пенсия тайинлаш тўғрисидаги аризаси ёки сўровномаси Пенсия жамғармасининг ахборот тизимида рўйхатдан ўтказилади.

Пенсия жамғармаси бўлими томонидан ариза берувчига ариза қабул қилинган сана кўрсатилган ҳолда тилхат, шунингдек, олинган ва етишмаётган ҳужжатлар рўйхати берилади.

Пенсия тайинлашни сўраб Давлат хизматлари маркази ёки ЯИДХП орқали мурожаат қилинганида Пенсия жамғармаси бўлими мурожаат қилувчининг сўровномада келтирилган мобиль телефон рақамига ёки шахсий кабинетига унинг мурожаати қабул қилинганлиги тўғрисида хабарнома юборади”;

ж) 15-банднинг “а” кичик банди иккинчи хатбошисидаги “Камбағалликни қисқартириш ва бандлик вазирлиги ҳузуридаги Тиббий-ижтимоий экспертиза инспекцияси (кейинги ўринларда – Инспекция)” сўзлари “Президенти ҳузуридаги Ижтимоий ҳимоя миллий агентлигининг (кейинги ўринларда – Агентлик) Ногиронлиги бўлган шахсларнинг функционаллигини баҳолаш бошқармаси ҳудудий бўлимларининг” сўзлари билан алмаштирилсин;

з) 21 ва 132-бандлардаги “Инспекциянинг” сўзи “Агентликнинг” сўзи билан алмаштирилсин;

и) 110-банднинг учинчи хатбошиси қуйидаги таҳрирда баён этилсин:

“Комиссия томонидан пенсия тайинлаш тўғрисида қарор қабул қилинганида Пенсия жамғармаси бўлими пенсия тури, пенсия миқдори, пенсия тайинлаш муддати, пенсиянинг тўлов шакли ва пенсия тўлаш санаси тўғрисида пенсионернинг пенсия тайинлаш тўғрисидаги аризасида ёки сўровномада кўрсатилган мобиль телефон рақамига СМС-хабар ёки шахсий кабинетига хабарнома юборади”;

к) 111-бандда:

қуйидаги мазмундаги иккинчи хатбоши билан тўлдирилсин:

“Пенсия тайинлаш тўғрисидаги мурожаат Давлат хизматлари маркази ёки ЯИДХП орқали амалга оширилганида Пенсия жамғармаси бўлими пенсия тайинлаш рад этилганлиги, рад этиш сабаблари, қабул қилинган қарор юзасидан шикоят қилиш тартиби тўғрисида пенсионернинг сўровномада кўрсатилган мобиль телефон рақамига ёки шахсий кабинетига хабарнома юборади”;

иккинчи хатбоши учинчи хатбоши деб ҳисоблансин;

л) 159<sup>1</sup>-банддаги “Ўзбекистон Республикаси Ягона интерактив давлат хизматлари порталида (кейинги ўринларда — ЯИДХП)” сўзлари “ЯИДХП” қисқартмаси билан алмаштирилсин;

м) 180-банднинг тўртинчи хатбошисидаги “Ўзбекистон Республикаси Камбағалликни қисқартириш ва бандлик вазирлиги” сўзлари “Агентлик” сўзи билан алмаштирилсин;

н) қуйидаги мазмундаги 28 –31-иловалар билан тўлдирилсин:

“Давлат пенсияларини тайинлаш ва тўлаш  
тартиби тўғрисидаги низомга  
28-илова


**Пенсия тайинлаш бўйича  
СЎРОВНОМА**

|                                                                                                                              |                         |                          |
|------------------------------------------------------------------------------------------------------------------------------|-------------------------|--------------------------|
| I. Мурожаат қилувчи тўғрисида маълумотлар                                                                                    |                         |                          |
| 1. Пенсия тури                                                                                                               | Ёшга доир               | <input type="checkbox"/> |
|                                                                                                                              | Ногиронлик              | <input type="checkbox"/> |
|                                                                                                                              | Боқувчисини йўқотганлик | <input type="checkbox"/> |
| 2. Пенсияни ҳисоблаб чиқариш учун танланган давр (охирги ўн йиллик меҳнат фаолияти давомидаги исталган кетма-кет беш йиллик) |                         |                          |
| 3. Фамилияси                                                                                                                 |                         |                          |
| 4. Исми                                                                                                                      |                         |                          |
| 5. Отасининг исми                                                                                                            |                         |                          |
| 6. Туғилган санаси                                                                                                           |                         |                          |
| 7. Паспорт (идентификацияловчи ID-карта) серияси ва рақами                                                                   |                         |                          |
| 8. Жисмоний шахснинг шахсий идентификация рақами                                                                             |                         |                          |
| 9. Маҳалла фуқаролар йиғини номи                                                                                             |                         |                          |
| 10. Телефон рақами                                                                                                           |                         |                          |
| II. Мурожаат қонуний вакил томонидан берилганида тўлдирилади                                                                 |                         |                          |

|                                                                                                                              |                         |                      |
|------------------------------------------------------------------------------------------------------------------------------|-------------------------|----------------------|
| 1. Пенсия тури                                                                                                               | Ёшга доир               | <input type="text"/> |
|                                                                                                                              | Ногиронлик              | <input type="text"/> |
|                                                                                                                              | Боқувчисини йўқотганлик | <input type="text"/> |
| 2. Пенсияни ҳисоблаб чиқариш учун танланган давр (охирги ўн йиллик меҳнат фаолияти давомидаги исталган кетма-кет беш йиллик) |                         |                      |
| 3. Фамилияси                                                                                                                 |                         |                      |
| 4. Исми                                                                                                                      |                         |                      |
| 5. Отасининг исми                                                                                                            |                         |                      |
| 6. Туғилган санаси                                                                                                           |                         |                      |
| 7. Паспорт (идентификацияловчи ID-карта) серияси ва рақами                                                                   |                         |                      |
| 8. Жисмоний шахснинг шахсий идентификация рақами                                                                             |                         |                      |
| 9. Маҳалла фуқаролар йиғини номи                                                                                             |                         |                      |
| 10. Телефон рақами                                                                                                           |                         |                      |

Давлат пенсияларини тайинлаш ва тўлаш  
тартиби тўғрисидаги низомга  
29-илова

Ёшга доир пенсия тайинлаш юзасидан давлат хизматини кўрсатиш  
СХЕМАСИ



|          |                                                                                    |                                                                                                                                                                                                                                                                                                                                                                                                                                                                                                                                                                                                                            |                                                                                                                                    |
|----------|------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------|
| 2-босқич | <p>Давлат хизматлари маркази</p> <p>Ягона интерактив давлат хизматлари портали</p> | <p>Сўровномани тўлдириб, электрон шаклда Иқтисодиёт ва молия вазирлиги ҳузуридаги бюджетдан ташқари Пенсия жамғармаси (кейинги ўринларда – Пенсия жамғармаси) бўлимига юборади.</p> <p>Сўровномани Пенсия жамғармаси бўлимига юборади.</p>                                                                                                                                                                                                                                                                                                                                                                                 | <p>Сўровнома тўлдирилгандан сўнг 5 дақиқа ичида</p> <p>Автоматик тарзда</p>                                                        |
| 3-босқич | Пенсия жамғармаси бўлими                                                           | <p>1. Қонуний вакил пенсия олувчи шахснинг васийси ёки ҳомийси эканлигини ўрганиш учун Мактабгача ва мактаб таълими вазирлигига электрон шаклда сўров юборади.</p> <p>2. Мурожаатчининг оила аъзоларини (яқин қариндошларини) ўрганиш учун Адлия вазирлигига электрон шаклда сўров юборади.</p>                                                                                                                                                                                                                                                                                                                            | Сўровнома келиб тушганидан сўнг 5 дақиқа ичида                                                                                     |
| 4-босқич | Пенсия жамғармаси бўлими                                                           | <p>1. Мактабгача ва мактаб таълими вазирлиги, Адлия вазирлиги мурожаат қилувчининг иш стажи, ойлик иш ҳақи ҳамда бошқа электрон шаклдаги маълумотларни ахборот тизимларидан олади ҳамда ушбу маълумотларга асосан пенсия тайинлаш ёки пенсия тайинлашни рад этиш тўғрисида қарор қабул қилади.</p> <p>2. Пенсия тайинлангани ёки пенсия тайинлаш рад этилгани ҳақидаги электрон шаклдаги маълумотларни Давлат хизматлари марказига юборади.</p> <p>3. Ягона интерактив давлат хизматлари портали орқали пенсия тайинлаш учун мурожаат қилган фуқаронинг мобиль телефон рақамига пенсия тайинлаш рад этилганлиги ҳақида</p> | <p>10 кун муддат ичида</p> <p>Қарор қабул қилинганидан сўнг 5 дақиқа ичида</p> <p>Қарор қабул қилинганидан сўнг 5 дақиқа ичида</p> |

|          |                           |                                                                                                                                                                                                                                    |                                          |
|----------|---------------------------|------------------------------------------------------------------------------------------------------------------------------------------------------------------------------------------------------------------------------------|------------------------------------------|
|          |                           | СМС-хабар ёки шахсий кабинетига хабар юборади.                                                                                                                                                                                     |                                          |
| 5-босқич | Давлат хизматлари маркази | <p>1. Пенсия тайинлаш рад этилган тақдирда рад этиш сабаблари тўғрисида мурожаат қилувчини хабардор қилади.</p> <p>2. Пенсия тайинланган тақдирда пенсияни қачон ва қаердан олиш тўғрисида мурожаат қилувчини хабардор қилади.</p> | Маълумот олинганидан сўнг 5 дақиқа ичида |

Давлат пенсияларини тайинлаш ва тўлаш  
тартиби тўғрисидаги низомга  
30-илова

Ногиронлик пенсиясини тайинлаш юзасидан давлат хизматини кўрсатиш  
СХЕМАСИ

| Босқичлар | Субъектлар                                                                         | Механизм                                                                                                                                                                                                                                   | Бажариш муддатлари                                                          |
|-----------|------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------|-----------------------------------------------------------------------------|
| 1-босқич  | Мурожаат қилувчи<br>(шахс ёки унинг қонуний вакили)                                | <p>1. Пенсия тайинлаш юзасидан Давлат хизматлари марказига келиб мурожаат қилади.</p> <p>2. Ягона интерактив давлат хизматлари порталидан рўйхатдан ўтган ҳолда сўровнома шаклини тўлдиради.</p>                                           | <p>Хоҳишига кўра</p> <p>Мурожаат қилинганда</p>                             |
| 2-босқич  | <p>Давлат хизматлари маркази</p> <p>Ягона интерактив давлат хизматлари портали</p> | <p>Сўровномани тўлдириб, электрон шаклда Иқтисодиёт ва молия вазирлиги ҳузуридаги бюджетдан ташқари Пенсия жамғармаси (кейинги ўринларда – Пенсия жамғармаси) бўлимига юборади.</p> <p>Сўровномани Пенсия жамғармаси бўлимига юборади.</p> | <p>Сўровнома тўлдирилгандан сўнг 5 дақиқа ичида</p> <p>Автоматик тарзда</p> |

|          |                                |                                                                                                                                                                                                                                                                                                                                                                                                                                                                                                                                                                                                                                                |                                                                                                                                                                     |
|----------|--------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------|
| 3-босқич | Пенсия<br>жамғармасы<br>бўлими | <p>1. Мурожаатчини ногиронлиги бўлган шахс эканлигини ўрганиш учун Ўзбекистон Республикаси Президенти ҳузуридаги Ижтимоий ҳимоя миллий агентлигининг Ногиронлиги бўлган шахсларнинг функционаллигини баҳолаш бошқармаси ҳудудий бўлимларининг тиббий-ижтимоий эксперт комиссиясига (кейинги ўринларда – тиббий-ижтимоий эксперт комиссияси) сўров юборади.</p> <p>2. Қонуний вакил пенсия олувчи шахснинг васийси ёки ҳомийси эканлигини ўрганиш учун Мактабгача ва мактаб таълими вазирлигига электрон шаклда сўров юборади.</p> <p>3. Мурожаатчининг оила аъзоларини (яқин қариндошларини) ўрганиш учун Адлия вазирлигига сўров юборади.</p> | <p>Сўровнома келиб тушганидан сўнг 5 дақиқа ичида</p> <p>2. Қарор қабул қилинганидан сўнг 5 дақиқа ичида</p> <p>3. Қарор қабул қилинганидан сўнг 5 дақиқа ичида</p> |
| 4-босқич | Пенсия<br>жамғармасы<br>бўлими | <p>1. Тиббий-ижтимоий эксперт комиссияси, Мактабгача ва мактаб таълими вазирлиги, Адлия вазирлиги мурожаат қилувчининг иш стажи, ойлик иш ҳақи ва бошқалар тўғрисидаги электрон шаклдаги маълумотларни ахборот тизимларидан олади ва ушбу маълумотларга асосан пенсия тайинлаш ёки пенсия тайинлашни рад этиш тўғрисида қарор қабул қилади.</p> <p>2. Пенсия тайинлангани ёки пенсия тайинлаш рад этилгани ҳақидаги маълумотларни Давлат хизматлари марказига юборади.</p> <p>3. Ягона интерактив давлат хизматлари портали орқали пенсия тайинлаш учун мурожаат қилган</p>                                                                    | <p>10 кун муддат ичида</p> <p>Қарор қабул қилинганидан сўнг 5 дақиқа ичида</p>                                                                                      |

|          |                           |                                                                                                                                                                                                                                   |                                              |
|----------|---------------------------|-----------------------------------------------------------------------------------------------------------------------------------------------------------------------------------------------------------------------------------|----------------------------------------------|
|          |                           | фуқаронинг мобиль телефон рақамига нафақа тайинлаш рад этилганлиги ҳақида СМС-хабар юборади.                                                                                                                                      | Қарор қабул қилинганидан сўнг 5 дақиқа ичида |
| 5-босқич | Давлат хизматлари маркази | <p>1. Пенсия тайинлаш рад этилган тақдирда рад этиш сабаблари тўғрисида мурожаат қилувчини хабардор қилади.</p> <p>2. Пенсия тайинланган тақдирда пенсияни қачон ва қардан олиш тўғрисида мурожаат қилувчини хабардор қилади.</p> | Маълумот олинганидан сўнг 5 дақиқа ичида     |

Давлат пенсияларини тайинлаш ва тўлаш тартиби тўғрисидаги низомга 31-илова

Боқувчисини йўқотганлик пенсиясини тайинлаш юзасидан давлат хизматини кўрсатиш

СХЕМАСИ

| Босқичлар | Субъектлар                                       | Механизм                                                                                                                                                                                         | Бажариш муддатлари                              |
|-----------|--------------------------------------------------|--------------------------------------------------------------------------------------------------------------------------------------------------------------------------------------------------|-------------------------------------------------|
| 1-босқич  | Мурожаат қилувчи (шахс ёки унинг қонуний вакили) | <p>1. Пенсия тайинлаш юзасидан Давлат хизматлари марказига келиб мурожаат қилади.</p> <p>2. Ягона интерактив давлат хизматлари порталидан рўйхатдан ўтган ҳолда сўровнома шаклини тўлдиради.</p> | <p>Хоҳишига кўра</p> <p>Мурожаат қилинганда</p> |
| 2-босқич  | Давлат хизматлари маркази                        | Сўровномани тўлдириб, электрон шаклда Иқтисодиёт ва молия вазирлиги ҳузуридаги бюджетдан ташқари Пенсия жамғармаси (кейинги ўринларда – Пенсия жамғармаси) бўлимига юборади.                     | Сўровнома тўлдирилгандан сўнг 5 дақиқа ичида    |

|          |                                                        |                                                                                                                                                                                                                                                                                                                                                                                                                                                                                                                                                                                   |                                                                                |
|----------|--------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------|
|          | Ягона<br>интерактив<br>давлат<br>хизматлари<br>портали | Сўровномани<br>Пенсия<br>жамғармаси бўлимига юборади.                                                                                                                                                                                                                                                                                                                                                                                                                                                                                                                             | Автоматик тарзда                                                               |
| 3-босқич | Пенсия<br>жамғармаси<br>бўлими                         | <p>1. Мурожаатчини вафот этган шахс билан қариндошлик алоқаларини ўрганиш учун Адлия вазирлигига электрон шаклда сўров юборади.</p> <p>2. Қонуний вакил вафот этган шахснинг меҳнатга лаёқатсиз оила аъзосининг васийси ёки ҳомийси эканлигини ўрганиш учун Мактабгача ва мактаб таълими вазирлигига электрон шаклда сўров юборади.</p> <p>3. Вафот этган шахснинг 18 – 23 ёшдаги оила аъзоси Ўзбекистон Республикаси ҳудудида таълим ташкилотининг ўқувчиси ёки талабаси эканлигини ўрганиш учун Олий таълим, фан ва инновациялар вазирлигига электрон шаклда сўров юборади.</p> | Сўровнома келиб тушганидан сўнг 5 дақиқа ичида                                 |
| 4-босқич | Пенсия<br>жамғармаси<br>бўлими                         | <p>1. Адлия вазирлиги, Мактабгача ва мактаб таълими вазирлиги ва Олий таълим, фан ва инновациялар вазирлиги вафот этган шахснинг иш стажи, ойлик иш ҳақи ва бошқалар тўғрисидаги электрон маълумотларни ахборот тизимларидан олади ҳамда ушбу маълумотларга асосан пенсия тайинлаш ёки пенсия тайинлашни рад этиш тўғрисида қарор қабул қилади.</p> <p>2. Пенсия тайинлангани ёки пенсия тайинлаш рад этилгани ҳақидаги маълумотларни Давлат хизматлари марказига юборади.</p> <p>3. Ягона интерактив давлат хизматлари портали орқали пенсия тайинлаш учун мурожаат</p>          | <p>10 кун муддат ичида</p> <p>Қарор қабул қилинганидан сўнг 5 дақиқа ичида</p> |

|          |                           |                                                                                                                                                                                                                                    |                                              |
|----------|---------------------------|------------------------------------------------------------------------------------------------------------------------------------------------------------------------------------------------------------------------------------|----------------------------------------------|
|          |                           | қилган фуқаронинг мобиль телефон рақамига пенсия тайинлаш рад этилганлиги ҳақида СМС-хабар юборади.                                                                                                                                | Қарор қабул қилинганидан сўнг 5 дақиқа ичида |
| 5-босқич | Давлат хизматлари маркази | <p>1. Пенсия тайинлаш рад этилган тақдирда рад этиш сабаблари тўғрисида мурожаат қилувчини хабардор қилади.</p> <p>2. Пенсия тайинланган тақдирда пенсияни қачон ва қаердан олиш тўғрисида мурожаат қилувчини хабардор қилади.</p> | Маълумот олинганидан сўнг 5 дақиқа ичида     |

”

